

Isa Mustafa do të udhëheq ekzekutivin e vendit në koalicionin në mes të Lidhjes Demokratike të Kosovës dhe Partisë Demokratike të Kosovës.

Posti i kryeministrit Mustafës do t'i takojë në bazë të marrëveshjes për koalicion të arritur sonte në mes të lideri të PDK-së, Hashim Thaçi dhe atij të LDK –së, me ndërmjetësimin e Ambasadores amerikane Tracy Ann Jacobson dhe Presidentes Atifete Jahjaga.

Lideri i PDK-së, Hashim Thaçi, do të bëhet President i Kosovës në vitin 2016, atëherë edhe kur i përfundon mandati presidentes aktuale, Atifete Jahjaga.

Marrja e postit të presidentit nga Thaçi është përfolur në vazhdimësi si një mundësi, në rast se do të arrihej marrëveshja PDK-LDK, e cila edhe u arrit sonte, transmeton express.

Pas situatës politike të krijuar në vend, e sidomos pas asaj që ndodhi mes Bllokut, LDK ka këmbëngulur se në qeveri do të jetë vetëm me postin e kryeministrit.

Ndërkaq për "lëshimin" e këtij posti, kishte kohë që PDK pati dhënë shenja.

Derisa LDK kishte si kusht Kryeministrin, PDK në anën tjetër kishte kusht të jetë në qeverisje.